

SILVIA BELFIORE
pianista e musicòloga
www.silviabelfiore.it

Silvia Belfiore, pianista e musicòloga, s'est sèmpiri interessada de spriculitai sa manera de espressai e de intendi s'arti e de traballai cun paricis genias de mènega. At sonau prus de 550 cuntzertus in Brasili, Costa de Avòriu, Etiòpia, Frància, Germània, Gran Bretànnia, Grècia, Ìndia, Itàlia, Kènya, Malta, Mèssico, Moldàvia, Perù, Polònia, Purtugallu, Romania, Sardìnnia, Spànnia, Sud Àfrica, Svìtzena, Tanzània, Togu, Ungheria, USA, Vietnam.

Apustis de su diproma in pianoforti e sa làurea in Discipline della Musica, at fatu paricis cursus de perfetzionamentu e finas is "Ferienkurse für neue Musik" de Darmstadt. Cumposidoris meda ant scritu òperas po issa. At fatu traballu de circa e de censimentu de benis musicalis.

Sa maista de pianoforti at fatu, e de stòria de sa mènega in Itàlia e in Purtugallu e est maista de pianoforti in su cunservatòriu de Cagliari puru. At arregistrau po sa televisioni e po s'arràdiu in Brasili, Germània, Itàlia, Vaticano e Moldàvia. At pubrica 25 CD po pianoforti a solu e cun formatzionis camerìsticas.